

Ilisimatusarfiup avataaneersunik siulersuisunut ilaasortat akissarsiaqartinneqarnerat pillugu Namminersorlutik Oqartussat nalunaarutaat nr. 24, 30. juni 2020-meersoq

Ilisimatusarfik pillugu Inatsisartut inatsisaanni nr. 12, 12. juni 2019-imeersumi § 11 naapertorlugu aalajangersarneqarpoq:

Akissarsiaqartitsineq

§ 1. Siulersuisut siulittaasuata ukiumut akissarsiai kr. 70.000-inik annertussuseqarput. Siulersuisunut ilaasortat sinneri avataaneersut ukiumut akissarsiaat kr. 35.000-inik annertussuseqarput.

§ 2. Akissarsiat qaammatikkaartumik, ukiumut aqqaneq-marloriarluni kingumoortumik tunniunneqartassapput.

Imm. 2. Siulersuisunut ilaasortaq qaammatip ingerlanerani ilaasortanngussappat siulersuisunut ilaasortap ullut atuuffii aallaavigalugit ullormut akissarsiaqassaaq, akissarsiat § 1-imi aningaasat amerlassusaasa taaneqartut 1/365-erutaanik. Taamatut assinganik atuuppoq siulersuisunut ilaasortaq qaammatip ingerlanerani ilaasortaajunnaarpat.

Aningaasartuutinik taartisiaqarneq

§ 3. Aningaasartuutit, taakkununga ilanngullugit angalanernut, nerisaqarnermut najugaqarnermullu aningaasartuutit, Ilisimatusarfiup siulersuisuisa sulinerani akilerneqartut Kalaallit Nunaanni Namminersorlutik Oqartussani tjestemandinut malittarisassat qaqugukkulluunniit atuuttut naapertorlugit siulersuisunut ilaasortanut ajunngitsorsiaritinneqassapput.


Atuutilerfia

§ 4. Nalunaarut manna 1. august 2020-mi atuutilissaaq.

Namminersorlutik Oqartussat, ulloq 30. juni 2020.


Ane Lone Bagger

/


Karsten Peter Jensen